

# Powšitkowne WOZJEWJENJA

njedźelu, 9. decembra 2012

## 150 lět TCM a Katolski Posoł

Składnostnje 150. róčnicy založenja Towarstwa Cyrila a Metoda z.t. (TCM) budže štwórtk, 13. decembra, džakne swjedženske zarjadowanje w Budyšinje. Wšitcy wěriwi, wosebje tež ći mnozy něhdyši a nětćiši roznošowarjo Katolskeho Posoła w serbskich wosadach, su wutrobnje na swjedžensku Božu mšu we 18.30 hodž. do tachantskeje cyrkwe swjateho Pětra přeprošeni.

Towarstwo swjateju Cyrila a Metoda bu 13. decembra 1862 w Budyšinje k spěchowanju nabožnosće a narodnosće mjez katolskimi Serbami založene. Z tutym zaměrom wuchadza wot januara 1863 časopis Katolski Posoł (KP).

Nimo tuteje džakneje Božej mše su k jubilejomaj klětu dalše zarjadowanja planowane, kotrež su w interneće pod [www.posol.de](http://www.posol.de) wozjewjene. *J. Špitank, předsyda TCM a farar G. Warnar, šefredaktor KP*

## Adwentny koncert w Baćonju

Pod hesłom „Wotewrće wrota šěroko“ přeprošuje Serbski ludowy ansambl (SLA) njedźelu, 9. decembra, w 14 hodž. na adwentny koncert do Baćońskeje cyrkwe. Ze serbskimi, němskimi, čěskimi a mjezynarodnymi adwentnymi spěwami chcedža chór a orchester SLA kaž tež džěćacy chór SMA pod nawodom Gabriele Donà při posłucharjow w dohodownym času přewodźeć. W koncerće zaklinča mjez druhim twórby Krawca, Nagela a Bacha.

## Přiležnosć k swjatej spowědži w Róžeńće

<b>sobotu, 15. decembra</b> 17.00 - 18.00 hodž.	farar M. Anders, farar B. Jakubaš, kapłan D. Dzikiewicz, farar J. Magiera
<b>wutoru, 18. decembra</b> 18.30 - 19.30 hodž.	farar B. Šořta, farar M. Anders, farar G. Nawka, farar B. Jakubaš
<b>pjatk, 21. decembra</b> 17.30 - 18.25 hodž.	farar H. Morawietz, farar B. Šořta, farar G. Warnar, farar B. Jakubaš
<b>sobotu, 22. decembra</b> 17.00 - 18.00 hodž.	kanonik Š. Delan, farar B. Šořta, farar M. Anders, farar B. Jakubaš

Zhromadna dohodowna akcija Serbskeho rozhłosa a Katolskeho Posoła

## Bože narodki

Hdyž swjećimy bórže hody, budže zawěsće pola wšěch doma Boži narodk stać. Snano maće rězbarjeny, snano tajki z metala, snano pak tež z cyle drugeho materiala. Sće waš žlobik snano zdžědźili? Abo prosće kupili? Abo běše to raz dar wašeje kmótry? Na stawizny wašeho Božeho narodka smy wćipni, tuž napisajće wašu swójbnu tradiciju z nim hač do pónđzele, 10. decembra, na MDR 1 Radio Sakska/Serbski rozhłós, Póstowe naměsto 2; 02625 Budyšin abo na e-mail [Serbski-program@mdr.de](mailto:Serbski-program@mdr.de). Wot internetoweje strony [www.posol.de](http://www.posol.de) je pokazka na wotpowědne strony Serbskeho rozhłosa podata.

W dohodownym tydženju chce Serbski rozhłós stawizny wo wašim Božim narodku powědać. Zdobom so wone w hodownym wudaću Katolskeho Posoła a w telewizijnym magacinje Wuhlادku předstaja. Za wašu prócu kiwa wam nahladne myto.

## **Kublanske dny studentow**

Kublanske dny studentow přewjedu so lětsa wot štwórtka, 27. decembra, do soboty, 29. decembra, w pólskim Opolu. Štóž ma zajim, njech so hač do třećeje adwentneje njedžeje, 16. decembra, pola fararja Gabriša Nawki w Pančicach-Kukowje pod telefonowym číslom (03 57 96) 9 62 65 přizjewi.

## **Paslenje hodownych darikow**

Dekanatne dušepastyrstwo přeprošuje šulerki a šulerjow 6. do 8. lětnika sobotu, 15. decembra, wot 9 do 13 hodž. na paslenje hodownych darikow do Don Boskoweho domu we Worklecach. Zajimcy njech so prošu hač do wutory, 11. decembra pod telefonowym číslom (03 57 96) 8 87 07 přizjewja. Za wudawki dnja zběra so na wobdžělnika přinošk we wysokosći wosom eurow.

## **Sobustawski přinošk TCM zapłaćić**

Předsydstwo Towarstwa Cyrila a Metoda namołwja wšitkich člonow, kotřiž njejsu lětsa hišće swój přinošk we wysokosći pjeć eurow zapłaćili, to hač do štwórtka, 13. decembra, nachwatać. Móžno je to na konto towarstwa pola LIGA Dresden, kontowe číslu 828 23 66, BLZ 750 903 00.

## **Adwentne wiki**

Přeni raz přewjedu so we wobchodže klóštra Marijineje Hwězdy w Pančicach-Kukowje sobotu, 15. decembra, wot 12.30 do 18.00 hodž. małe adwentne wiki. Džěći móža w tym času, hdyž so dorosćeni rozhladuja, paslić.

## **Adwentny koncert Budyskich gymnaziastow**

Chór Serbskeho gymnazija přeprošuje wutrobnje na swój tradicionelny adwentny koncert sobotu, 15. hodownika, w 17 hodž. do Michałskeje cyrkwyje w Budyšinje. Zaklinča mjenje znate twórby a woblubowane adwentne spěwy. Wumělski nawod změje tachantski kantor Friedemann Böhme, instrumentalny přewod přewozmje Gina Hentsch a solistka budže Tanja Donatec.

## **Oratorij „Zyma“ zaklinči w Njebjelčicach**

Chór a orchester Serbskeho ludoweho ansambla (SLA), Radworski chór Meja kaž tež solisća pod nawodom Gabriela Doná předstaja sobotu, 29. decembra, w 16 hodž. oratorij „Zyma“ w Njebjelčanskej cyrkwi. Tuta twórba je posledni džěl cyklusa „Počasy“ z pjera Handrija Zejlerja a Korle Awgusta Kocora. „Zyma“ zaklinči, kaž hižo loni w Radworju, w instrumentalnym wobdžělanju Christiana Kabitza. Solistiske džěle přewozmu Jakina Elmira, Tanja Donatec, Peter Diepschlag a Ferdinand Liebenberg. Za wudawki koncerta přewjedže so při durjach zběrka. Wšitcy z bliska a daloka su wutrobnje přeprošeni.

## **Meditaciski koncert silwester w Baćonju**

Z hudźbu a spěwom, z modlenjom a rozpominanjom chcemy lěto Knjezowe 2012 w zmysle „Wšo w Božim mjenje spočinam, a w Božim mjenje dočinjam“ zakónčić. K tomu přeprošujemy wšitkich wutrobnje na meditaciski koncert póndželu, 31. hodownika, w 19 hodž. do Baćońskeje cyrkwyje. Hudźbne wuhotowanje stej zaso Hanka a Weronika Smolic přewzałoj. Baćońska wosada

## **Koparski turněr wo pokal TCM**

Towarstwo Cyrila a Metoda z.t. (TCM) zarjaduje sobotu, 5. januara, w 13 hodž. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny. Kóždy mustwo měło z wosom hrajerjemi nastupić. Hrać budže so z třomi koparjemi a jednym wrotarjom. Přizjewić měli so mustwa hač do soboty, 29. decembra, pola předsydy TCM, Jurja Špitanka, telefonowe číslu (03 57 96) 9 63 47.

## **Kubłanske dny w Schmiedebergu**

„Přichod je wěsty.“ Takle rěka tema kubłanskich dnjow wot pjatka do njedźele, 4. do 6. januara 2013, w Schmiedebergu, na kotrež su serbscy młodostni wutrobnje přeprošeni. Přizjewić měli so hač do štwórtka, 20. decembra, w Don Boskowym domje we Worklecach, telefonowe čisło (03 57 96) 9 55 95.

## **Na swětowe zetkanje do Rio de Janeira**

Hišće hač do 15. januara 2013 móža so młodostni, kotřich chcedža so na klětuše swětowe zetkanje młodžiny do Brazilskeje podač, přizjewić. Serbscy młodostni móža so w skupinje Drježdžansko-Mišnjanskeho biskopstwa wobdźělić. Wona wotleći 14. julija a wróći so 30. julija. Nadrobniše informacije su pod [www.kathjusa.de/wjt2013](http://www.kathjusa.de/wjt2013) wozjewjene. Swětowe zetkanje młodžiny wotměje so w Rio de Janeiru.